

Sarajevo, 06.10.2021. godine

Z A P I S N I K

Sa sastanka predstavnika RKS Tuzla, KS ZDK i KSKS održanog 24.08.2021.godine u Zenici.

Sastanku su prisustvovali:

RKS Tuzla: Jadran Lasetović, Nermin Kasumović

KS ZDK: Feđa Jovanović

KSKS: Nihad Selimović, Mirza Hatibović

Predsjednik KS BiH: Mirza Teletović

Sastanak je otvorio Predsjednik KSKS Nihad Selimović i predložio dnevni red koji je jednoglasno usvojen

DNEVNI RED

1. Sistem takmičenja A1 i A2 - RAZVOJNE LIGE
2. Tekuća pitanja

AD 1.

Svi prisutni su upoznati sa idejom o reorganizaciji takmičenja sistema A1 i A2 lige i sa brojem klubova koji se poslije dopisa od 26. 08. 2021. prijavio za učešće u ligama.

Ponovo je podržano da se A1 liga proširi sa prošlogodišnjih 14 na 20 do 24 ekipe u takmičarskoj sezoni 2021/2022.

Na osnovu broja prijavljenih ekipe bi bile podjeljene **teritorijalno** (po 10 do 12 ekipa) u dvije grupe.

Nakon odigravanja regularnog dijela takmičenja, igralo bi se doigravanje za prvaka A1 lige (play off po 4 ekipe iz obje grupe po sistemu 1-4, 2-3 u dvije utakice na koš razliku) kao i utakmice za plasman (5 sa 5 iz grupa, 6 sa 6, itd) .

Posljednjeplasirane ekipe iz obje grupe A1 lige u sezoni 2021/22 prelaze u A2 razvojnu ligu.

Pravo nastupa u A1 ligi imaju ekipe učesnice iz sezone 2020/2021, ekipe koje su ostvarile plasman kroz A2 ligu, ekipe koje ispadanjem iz Prvenstva BiH imaju status A1 ligaša kao i ostale ekipe koje se prijave.

Za sve ekipe koje nastupaju u A1 ligi obavezno je da u sezoni 2021/22 imaju u rosteru na utakmici 2 igrača 2000.godište ili mlađe, a od sezone 2022/23 ekipe će biti obavezne da imaju 4 igrača 2001. godišta ili mlađe u rosteru na utakmici.

Minimalan broj igrača na utakmici je osam, a maksimalan broj je dvanaest registrovanih igrača.

A2 liga će se organizovati kao razvojna liga. U sezoni 2021/22 u ekipama mogu nastupati igrači rođeni 2000. godine ili mlađi. U rosteru na utakmici mogu biti maksimalno 3 igrača starija od 21 godine. (Ekipe može registrovati više od 3 starija igrača, ali na utakmici mogu nastupati najviše trojica).

Dvije prvoplasirane ekipe iz A2 razvojne lige u sezoni 2021/22 stiču pravo nastupa u A1 ligi u sezoni 2022/2023.

U sezoni 2022/23 u A2 razvojnoj ligi moći će nastupati samo igrači 2000. godišta i mlađi. Liga će se formirati na način da ako bude prijavljeno do 14 ekipa igrat će se jedinstvena liga a preko 14 prijavljenih ekipa će biti podijeljene u 2 grupe teritorijalno.

Kotizacija u A1 ligi ostaje ista kao i predhodnih sezona (1.750,00 KM), a kotizacija za A2 RAZVOJNU LIGU se smanjuje na 1.000,00 KM, te smatramo da će smanjenje kotizacije i ograničenje godišta igrača koji imaju pravo nastupa u budućnosti povećati broj ekipa u ovom takmičenju i svakako postati projekat razvoja mladih igrača.

Troškovi službenih lica u ligama ostaju na nivou prošle sezone.

A1 liga:

Sudije 3X100,00 KM

Komesar 80,00 KM

A2 - RAZVOJNA LIGA

Sudije 3X80,00 KM

Komesar 60,00 KM

Za obračun troškova prevoza koristi se korištenje vlastitog vozila, na osnovu Uredbe o dnevnicama i službenim putovanjima (Službene novine FBiH 44/16) i korištenju vlastitog vozila. Naknada za troškove putovanja se obračunava u visini od 15% od trenutne cijene goriva na tržištu. Na svakoj nominaciji bit će navedena tačna cijena prevoza po kilometru u tom trenutku.

U putne troškove se obračunava i putarina na autocesti.

U A2 - RAZVOJNOJ LIGI mogu nastupati samo domaći igrači, a ekipe koje se takmiče u A1 ligi mogu imati dva strana igrača (pojam stranac definisan je pravilnicima KS BiH).

Rok za potvrdu učešća u A1 i A2 razvojnoj ligi je 11.10.2021. godine do 12:00 sati (ekipe koje do navedenog roka ne potvrde učešće u nekoj od liga neće biti uvrštene u izvlačenje). Nakon prijava ekipa bit će organizovano izvlačenje parova a planirani početak A1 lige je 23/24.10.2021. godine, a početak A2 razvojne lige u zavisnosti od broja prijavljenih ekipa.

AD 2.

Pod tačkom tekuća pitanja nije bilo rasprave.

KSK ZENICA

RKS TUZLA

KSK SARAJEVO